



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1644. usque ad annum 1651

**Fleury, Claude**

**August. Vind. [u.a.], 1779**

**VD18 90119177**

§. 30. Alexandri Cæsarini Cardinalis extrema.

---

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

Sæc. XVII. probitatis cultu, & Jurisprudentiæ scienti-  
A. C. 1644. tia eminuit, ac per aliquot annos Ad-  
 vocati munere functus, tandem Rotæ  
 Romanæ Auditor, ac demum Cardi-  
 nalis & Perusinus Episcopus necnon Bo-  
 noniæ Legatus a latere renuntiabatur,  
 quæ omnia munia summa integritate  
 & maxima populi utilitate obibat: Ad-  
 ministrabat quoque Ecclesiam suam in-  
 credibili gregis sui applausu usque ad  
 annum Christi millesimum sexcentesi-  
 mum quadragesimum secundum, quo  
 eam Horatio Monaldo germano Fratre  
 suo cessit: demum vero sexagenarius  
 in summa egestate die vigesima Janua-  
 rii Perusiæ decessit.

## §. XXX.

*Alexandri Cæsarini Cardinalis  
extrema.*

*Ughell. Ital.  
 Sacr. Visto-  
 rel. in add.  
 ad Ciac.*

**A**lter erat Alexander Cæsarinus No-  
 bilis Romanus, qui Parmæ expleto  
 Philosophiæ curriculo Romam reversus  
 Jurisprudentiæ operam dedit; sacris  
 postea Ordinibus initiatus, Juris utrius-  
 que Doctor, Signaturæ Referendarius  
 Cameræ Apostolicæ Clericus, ac tan-  
 dem Cardinalis & Episcopus Viter-  
 biensis nominabatur: Huic Ecclesiæ  
 restituto Seminario, nonnisi duobus  
 annis, cum magna tamen laude præ-  
 fuit.

fuit, longiore vita & fortuna digniffimus: obiit demum Romæ die vigesima quinta Januarii anno ætatis suæ quinquagesimo secundo.

Sæc. XVII.  
A. C. 1644.

§. XXXI.

*Julius Sabellus Cardinalis mortuus.*

Denique hoc anno die octavo Julii Romæ, ubi natus est, vivere desiit

*Ciacon. in  
vita Paul. V.*

Julius Sabellus ex illustrissima Principum hujus nominis gente ortus. Hic multis Præfecturis integre sancteque defunctus, a Paulo V. ad conciliandam pacem inter Philippum III. & Carolum Sabaudix Ducem Nuntius Apostolicus nominabatur, inde vero non sine prosperi successus gloria reversus, Ripal-  
tensi Abbatia, Purpura Romana, & postmodum Anconitano Episcopatu, & Bononiensi Legatione honoratus est, ubique ob insignem prudentiam, humanitatem, & moderationem omnium animos ad se alliciens, & apud omnes desiderium sui relinquens. Paulopost petente Philippo IV. Salernitanus Archipræsul renuntiabatur, quem etiam Uladislau Poloniæ Rex, & Ferdinandus III. Germaniæ tuendæ vindicem, & ad Urbanum VIII. Papam Oratorem selegerunt: indictis demum Pontificiis comitiis Julius, cum ad majora prope-

F 4 raret,